

慈溪黃氏日抄分類古今紀要

四十九







慈溪黃氏日抄分類卷之六十七

讀文集

范石湖文

詞賦雜詩

館娃宮賦謂吳王未聞大道宜其志荒

問天醫賦謂不敢以人勝天

望海亭賦設客辭以誇之亂曰有是哉吾將觀焉

柱林中秋賦感九得秋而九徙

楚詞四首幽誓愍遊交難將歸

古律詩河豚嘆百年三寸咽水陸富有藪一物不登

俎未負將軍腹

荆公墓六言本意治功徙木何心黨禍揚塵報讎豈

教行劫作俑翻成不仁

姑惡詩東坡云姑惡姑惡姑不惡妾命薄石湖謂此

句可以泣鬼為作後姑惡詩首云姑惡婦所云恐

是婦偏辭斷曰姑不惡婦不死

舟行驟雨云圓漪暈雨點濺滴走波面

後催租行賣衣得錢都納却病骨雖寒聊免縛去年

衣盡到家口大女臨岐雨分首今年次女已行棹

亦復驅將換升斗室中更有第三女明年不怕催





租苦

石湖初為新安掾謂歙溪為浙江之源正可言江述  
黃君謨州學記云瀕江地卑自徽至嚴二百灘以  
乳灘為最險徽之黃山三十六峯以天都峯為最  
高有溫泉在黃山之朱砂峯下

次韻胡邦衡人窮名滿世天定客還家

贈倪文舉朱門不灸釣竿手萬卷難供折腰具

會散夜步詩貪看雪樣滿街月不上籃輿步砌歸自

注云步砌吳語也

第十三卷律詩使虜道中作云汴河自泗州以北皆

一日抄六十七

文集

卷十

涸草木生之土人謂

本朝駕回即開

西瓜本燕北種石湖謂今河南皆種之

黃河將決馭伏流先出名漸水

滑州為河淪在積水中

韓魏公墳無恙

曹操七十二疑塚詩聞說羣胡為封土世間隨事有知音

安肅軍北門外為出塞路十五里至白溝亦名巨馬本

朝與遼人分界處渡江即與太行俱北至燕猶未斷

涿北燕南之間有灰洞兩旁皆高岡

踏鷓巾館伴所裹



燕窩宏侈過汴京亮所作也龍津橋以玉石爲之第十四卷游弁山石林故居已廢矣

餘詩皆浮湘入廣時所作題浯溪謂元結寓譏爲非游愚溪注鉛錫屢斗也潭形似之

蠻茶出脩江治頭風老酒留數年南人珍之故以蠻茶對老酒一南人以蝻蛇皮作腰鼓交趾以象莖爲堦磬又以蝻鼓對象磬皆風土語也

石湖帥廣之明年乙未年五十矣是年正月二十八日自廣易蜀五月二十六至遂寧紀行詩百三十五首嚴關者桂之守險處至是出嶺矣鐸嘴者在

桂之興安縣五里秦史祿壘石壇前銳如鐸迎海陽水分爲南北即湘瀰二水南流爲瀰北流爲湘言二水相合離羅江者嶺北初程北流入湘江越清湘縣全州界也入零陵縣永州界也去零陵十里爲瀰口有營水來自道州營道縣湘水來自桂之海陽至此合爲一江按瀰水出九疑山至永與湘水合豈即營水耶湖嶺之間湘水貫之凡水皆會之以瀰水合者曰瀰湘以蒸水合者曰蒸湘以沅水合者曰沅湘浯溪在折陽縣南五里自永州界入衡州過潭州爲洞庭其南曰青草湖是爲重湖



由是而至湖北之澧之江陵入蜀江沂峽州道始  
艱有一百八盤有鑽天三里有蛇倒退有麻線堆  
有胡孫愁有判命坡峽爲蜀外第一州湖北之極  
處由是入歸州爲夔路矣長石截入歸州郭下三  
分之二水極險爲入鮪壅至巴東爲峽口入巫山  
峽其盤渦之大者名瀆淖其地刀耕火種斫山木  
盡蹶候雨前一夕火之藉其灰以糞有物名笨音  
忤竹索渡水者自巫山邊陸避黑石諸灘過鬼門  
關入瞿唐歷灩澦爲夔州萬州合州皆山也至遂  
寧府始見平川遂寧則潼川路矣達成都淳熙四  
年丁酉公出蜀

日記六十七

四

吳音

將至公安詩云我馬虺隤我僕痛豈不懷歸畏簡書  
愚前年上孫江陰大閱詩有云悠悠旆旌馬蕭蕭  
有同官云詩無用經句者今石湖集中此類甚多  
豈近世晚唐詩始不用經語耶

蜀音難曉反以京洛音爲虜語或是僭僞時以中國

自居也既又諱之改曰魯語

見安福寺  
禮塔詩注

老宅即老人村也舊名獠澤石湖更今名

索橋以繩架空

萬州杏別核方賣以核爲杏仁



狠石二字三見此冊湘口夜泊詩云狠石蹲清漲土

門詩云狠石卧中路並十卷離堆行云殘山狠石雙

虎卧十九卷比秦太守鎮龍云地水又後冊二十

卷瞿唐行云鑿峽疏川狠石破是石湖行川湘間

皆以狠名石愚按皇甫湜狠石銘謂秦皇發石驪

山為墳礎有石屹住人力莫施故老相傳遂以狠

名此語雖不經而狠石之名已有自來京口甘露

寺亦有狠石乃傳為三國孫劉事宴展轉附會耶

二十卷公出蜀時詩也江安近瀘州有張旗三灘言

湍急過之速也有渡瀘亭有韋臯紀功碑○瞿唐

行注云灑灑撒髮不可犯一夕水漲沒之名青草

齊遂略其頂而過○白鹽赤甲皆峽口大山黃欺

黑石皆峽中至險入峽西岸有聖泉舟人向之疾

呼曰人渴也泉即迸下一杯許復乾○黃魔灘下

連入鮪壑○秭歸縣治世傳宋玉宅旗亭題宋玉

東家○巫山不止十二峰其大者十二峰東西各

一峰最奇○黃牛峽廟為黃牛神之居門有石馬

即歐公所夢者亦有虛高峰上有黃牛跡此山名

似十二峯○扇子峽兩岸山尤奇至荆渚回望山

無一點矣○南樓在鄂州江州庾樓後人以亮嘗



刺江故假鄂之名。○天狐山激浪磯皆在湖口。

(馬當伏)即小說載神助王勃一席清風處

二十一卷還直玉堂與還吳所作

太湖靈祐觀有垂絲檜。○林屋洞左又二門曰雨暘

谷洞。○毛公壇劉根也身生綠毛故云。○銷夏灣

吳王避暑處。○華山寺在西山盡處多泉泓

嘲蚊四十韻極工層層而起如昌黎詠雪詩

二十二之二十六多帥鄞所作自鄞移金陵將行德

游諸山至金陵而詩少其所游鍾山半山耳

歸吳有上元節物三子二韻工緻

日抄六十一

六

良亦茂

釋氏謂常行為般舟之行

馬齒莧中有水銀雞頭菜也名水琉黃為對

白鬕行載四十四歲出疆四十九使廣復使蜀又十

年垂雪鬕鬕作此

所藏小峩眉虛壁石也煙江疊嶂太湖石也天柱峯

英石也皆歸休時閑玩

甲辰除夜吟多及閑適之意請息齋屢有作則絕交

之語當有激也夜坐有感詩讀其下

丙午新正詩石湖年六十一一天有云人情舊雨非今

雨老境增年是減年口不兩起休盡穀生能幾履



莫言錢自此皆退隱消遣之作矣

吳燈詩等閑三夕看消費一年忙

初夏詩雪白荼蘼紅費相尚誇春色見薰風

田園雜興內槐樹云三公只得三株看閑客清陰滿

北窓雪下菘云朱門肉食無風味只作尋常菜把

供。其閑居動息皆以牆外人物聲為節

重陽後菊世情兒女無高韻只看重陽一日花

送炭龔養正煩君笑領婆歡喜

靈巖雪浪長風三萬頃蒼煙古本二千秋

園田歎四首言大家之妨細民

素羹詩新法儂家骨董羹

元日立春併煩傳菜手同捧瓊椒盤

吳農忌五月甲申乙酉雨九忌乙酉二十七卷又忌梅雨注

立秋雷二十九卷

臘月村田樂府十首冬春行冬春燈市行祭竈詞口

數粥行爆竹行燒火盆行煎田蠶詞分歲詞賣癡

獸詞打灰堆詞。梧子能墮二絕

虎立石井在張又新東南水品第三夕廢不知其處

石湖以大方井語壁老復之

白玉樓步虛詞序甚工類韓文畫記



愛雪歌棹夫披篋無如白鳳灘子挽綵拖素虬未句云  
須臾未遽妨性命呼童盡捲風簾鈎

龔養正元日六言流年五十踰二明日半百過三石  
湖次韻歲踰耳順俄七年去者稀只三

龔五十三  
范六十七

### 奏狀

繳偽會齊仲斷案爲中書時所奏初乾道六年七月  
四日指揮限三日毀印湖州齊仲以八月十七日  
有犯斷以死罪謂在三日外也石湖謂七月七日  
降指揮十一日方關戶部檢法案金部之與法案  
同一曹局頃步之間八日方能關行而况傳至外  
州合更審會湖州出榜的日仍豁限三日勅限外  
照本人所犯日子然後處斷愚謂此仁人之舉也  
記之

主管殿前司公事王友直奏男娶左翼軍統制趙溼  
女以溼分戍泉南免避親嫌石湖謂如溼比者始  
可權免爾劉錡之於劉汜不避子姪之嫌吳璘之  
於姚仲不避姻家之嫌皆致敗事蓋兵官利害動  
關生殺非若州縣官止於舉劾而已今諸軍不得  
因今來指揮輒容全避親充將佐

節使知宗士銖乞照前王例乞又米麥等因數兩



奏立愛惟親固聖人之用心法行自近始亦聖治之先務貴近無尺寸者相習如此異時勲臣戰士若復越制請求則如之何而拒之

論宋貺召命貺蓋秦檜親昵者

以上皆主書所奏

廣西無酒稅商船所入

祖宗撥諸路錢物助之湖

北軍衣絹四萬二千匹湖南純一萬五千疋綿一

萬兩廣東米一萬二千石提鹽司鹽一千五百萬

斤韶州岑水場銅伍十二萬斤付本路鑄錢一十

五萬貫總計一百一十餘萬貫並充廣西支遣津

炎兵興諸路不復撥到所籍者官賣鹽耳廣西漕

易也六一七

乃

業奇

司歲發鄂州大軍經略司買為靖州共二十一萬

貫歲撥諸經費及諸司循例支遣共五十二萬一

千八百貫通計七十三萬一百貫均撥鹽數諸州

出賣餘收息充歲計外又別支鹽附賣以六分為

大軍買馬及靖州歲計四分助諸州又計一十九

萬四千一百貫有時紹興八年六月改官賣鹽行

密鈔利歸鹽司分隸起發時漕臣高繹上具舊來

經費已失四分所管十九萬四千一百餘貫之利

又便擬鈔法必及歲額以太半不可指準之錢為

一路歲計以致諸州困乏軍無贍養後困鈔鹽不



行乾道四年六月四日復令官曹偶東鹽廢弛以不得過西路爲說乾道七年六月二十八日復通行客鈔石湖入蜀值宜州對境南丹州莫延葺大省地作過謂皆因邑宜融邊郡無錢糧軍致廢弛所致力請於朝以復行官賣鹽爲第一事繼又條四事一乞招填諸州將兵二乞以前提刑滕膺效用軍發赴行在進工者招充本路效用小弱者斷給據自便三以廣西人少一保動隔山川改戶長法止以三十戶爲一料四以薄尉規避上司別差無藉者攝之乞禁止又劾宜州兵官不之任及冒

日抄六十七

天十

極邊賞又轄鈐將副老者與祠乞改四月十五科舉爲三月十五以免冒暑乞以銓試三場分日

帥廣時奏

奏四蜀酒課重 上爲出上供錢四十七萬對減折估成州東柯鎮太平監之間去虜境三十里有銀坑恐啓戎心棧塞之論安撫司不當辟城寨官事屬制司凡皆帥蜀時奏也

薦知繁昌縣鮑信叔詣州抱酒稅額而減酤價罷市征商旅悅集縣計以充補解前官欠三年減饒民戶猶有餘積愚謂以信叔爲能吏則可耳後不可



繼必有受其弊者然楊萬里尤哀皆薦之

知處州上殿陳日力國力人力之說謂稽古禮文之事太繁承平虛費之習未盡又陳錄問事謂法云人吏依句宣讀無得隱漏令囚自通情以合其疑詳此法意不止讀成案而已今離絕其文嘈噴其語造次而畢欲委長吏點無干礙吏人先附囚口責狀覆案無差然後亦點無干礙吏人依句宣讀又陳閱軍事按令惟郡守兵官得破不堪被帶人當直其餘專用廂軍今憚肄習而總司局降就廂軍或徑降剩貪是簡閱木精也舊制營房損漏兵官不得替移霖雨經時有司先葺營寨今有營無屋雜處間井是營伍未立也

召對劄乞招閱弓手其後爲右史又直前奏之

論不舉子準紹興八年指揮分其姪姬支常平米四斗十五年改支一石又令殺子之家父母鄰保收生人皆徒罪先是蘇軾知密州盤量實剩得數百石專儲以養棄兒

乞議減浙東丁錢

松陽縣創義役囑交代樓璩行之餘五縣其後上殿取胡沂繕寫規約頒之天下後又以此義舉乞免



處州丁塩綱

乞除歸明歸正字以示一家

乞避兄成象立班照慶曆八年李端懿復防禦使與弟汀州防禦使端愿同班端愿乞下之例後之又元豐六年亦有兄任起居郎弟中書舍人班兄之

下成象二部  
石湖禮部

論重征莫甚於松江如蘄之江口池之鴈汊號大小法場上而至荆峽往往有是名虛舟往來為力勝本無奇貨而妄呼名件為虛唱宜征百金先批千金之數為花數客費日多則物日湧錢日輕乞禁

松江置場繫併并州縣於支港小路私置處省之

內殿論奏讞嚴限尅期報應論準令給囚之物許支錢準格在禁之囚許支米錢許於贓罰等支米無名色乞令運司下州縣苗米截撥關米則合支錢收糴

應詔編進勤政故實首一條謂乾之所以為天者自強不息而已愚按本文自強不息乃主人事言之非乾也法乾者也

內殿論左右史即左舍人右侍立典故唐制凡御殿二史

立左右紫宸閣臨軒即立螭頭皆得密聞王言國



朝淳化二年始置直崇政殿慶曆二年歐陽脩同  
脩起居注移立御前曰起居注非殿中祗候人不  
當立座後隆興元年胡銍乞復侍立故事御史臺  
會到經筵例宰執臺諫奏事權立及眾殿臣僚奏事  
時立御座前閣門契勘垂拱殿常朝自來二史無  
侍立指揮今請比附後殿輪立言從之餘依舊  
承平綰價不滿一貫而二貫滿疋定贓罪寬之也其  
後兵興物貴紹興三年詔疋准三貫石湖以時價  
已至六七千石更量增一貫和買取民財隨時增  
價疋民罪則減之聖政所大不忍也

論銅錢入比乞聚茶摧場專以見錢出賣而輕其價  
則錢之在北者必來以管仲藏石壁來天下貨財  
為證又論蕃貨皆非吾中國不可無之物而誘吾  
泉寶以去欲權任明州蕃舶及比使回又奏四明  
溫陵商舶糴買山東麻豆彼減價而須見錢錢過  
界者不勝計

使回奏諫者詭姓遁跡冒九死而圖萬全索隱察微  
問一二而知十百此非妄男子所能非其人不可  
汎遣用晉遣人覘宋事  
內殿論獻說迎合布衣補官之弊



論知人不知其人而使之不集事則均受不才之名  
各以其長易地使之皆以才稱

將帥為其下告贓乞此外一切原之

賑濟湏分就遠鄉

論修史湏立程限

奏交州進奉政和五年指揮經過州軍更不復禮紹  
興二十六年施鉅帥廣報謁移庖遂為例至是絕  
之

論馬政四弊邕州買馬大弊二齋人先驅一二百瘦  
病者為馬樣邀以買此而後大隊至暨至亦雜以

一第六十七

一

一

一

半買馬司典吏與招馬人歲久為弊一也橫山寨  
無草場支錢悉為官吏乾沒不以時得草二也公  
路損馬大弊二所至無橋道涉水貪程一也州縣  
不與草料但計囑押人而去二也買之弊乞擇官  
損之弊乞馬病隨萬留醫又奏靜江府興安縣客  
旅私販水銀入建陽邵武買異色錦私涉宜州蠻  
界至邕州溪洞邀竊入教止易銀而以私錦售易  
之官價錦當銀三十五兩致官錦無用獨一色銀易  
馬不足且誘省地民負荷而縛賣之或夾帶姦細  
乞禁約於建陽邵武出錦之源淳熙元年指揮戰



馬買四尺四寸以上石湖乞四尺三寸以上帶分亦選貴蓋自紹興六年指揮買四尺二寸以上也廣中元無戰馬羅殿自祀諸蠻以錦線博之大理大理即南詔也諸蠻驅至橫山場互市每低一寸減銀十兩如四尺四寸者銀四十一兩三寸即三十一兩自橫山至邕州七程至經略司又十八程其道自邕賓象靜江出湖南紹興十年三月指揮經由州縣於經制錢立料應副湖南自全州至行在並遵依而廣西科稅戶稅戶陪些小錢物折與管押兵校而馬斃於饑渴矣石湖奏乞一體行又

買馬久弊銀則雜銅名四六銀蓋則減斤百得七十皆為邊吏乾沒石湖以乾道九年到任措置銀不夾帶鹽足斤兩又印給支買憑由每量到馬疋即批上尺寸斤兩蠻人感悅得馬最多出嶺又奏今常切檢察準格買馬不及千五百疋展磨勘一年多二百疋減磨勘千疋轉官淳熙六年多千二百五疋

廣西管州二十五四在海之南二十一在海之北在海北者外邊諸蠻內雜洞徭而邕宜最為要害邕州管東南第十三將五千一百人淳熙初僅存七



百七十餘人宜州管第十一副將淳熙初存其首  
三千餘人又多差押馬催綱接送雜役在營者皆  
老病與無兵同邕州馬元額一千六百疋至是亦  
僅二十七疋而已石湖中乞復行官賣鹽以其事  
力招填邕州買馬銀鹽繒錦數十百萬皆在橫山  
庫無城護藏無兵鎮壓乞將邕州守臣常擇折衝  
禦侮之材經司駐靜江是時見兵亦不滿二千人  
石湖蒐強壯一千人并駐泊下揀百八十四人與  
摧鋒軍本司效用軍結隊上教旬兩被擢蓋自何  
侑爲帥隆興間申揀得五百人教閱今方再教之

一抄下

一抄下

事案

使郡將常以此存心 太祖養兵之法何至反成  
蠹國哉近世見在軍不蒐而反添刺孱弱以益其  
蠹可怪也石湖練兵之外又團結徭人作三節措  
置先結邊洞省以授器教陣次諭稍近徭人團結  
立誓然後許通博易最後又遣勇敢以近徭爲鄉  
導深入不實處如前諭之他日遠徭有犯須先破  
近徭近徭有犯先及邊團則官兵固已至矣是年靜  
江管下溪洞徭人結成五十五團置桑江寨以統  
屬之其義寧臨桂古縣一帶深山團結不盡者二  
十四聚落亦緣此不敢犯邊又置博易兩場以防



其窮迫山之北置義寧縣西山之南置深溪隘下  
皆具圖冊奏聞摧鋒軍本東路駐劄分二百人於  
西路靜江東路尚二千六百人又欲抽回靜江者  
石湖屢申不發謂固西路所以固東路也東路管  
十四州軍駐韶州非邊面故云

昭賀二州旱旣賑之又乞減四等以下戶田租之半  
官賣鹽旣行關防三事一慮漕司撥與諸郡抑配二  
慮取贏擡價民食貴鹽三慮倉吏減斥多裝籠葉  
自廣易蜀申入劄而後行皆在任措置軍民馬政實  
事俾後來者接續

五十一卷以後皆帥蜀時奏劄初邛部川首領蒙備  
歿弟崖韞繼蠻俗襲兄者妻其嫂蒙備妻嗚呼歿  
悅其幼弟部義而歸烏蒙部義從之結烏蒙兩抹  
又旁近蠻謀取崖襪而代之相攻未決乾道九年  
春冬吐蕃青羌兩寇黎州崖襪部義皆常助我有  
功至是荆南府探聞其略謂賞不均而邛部擾乞  
賞部義石湖得其實申嚴斥堠而已具言蜀西皆  
與諸蕃接爲唐邊害本朝經撫之且吐蕃南詔瓜  
分西南無警二百餘年歲歲備弛近歲忽有雅州  
礪門之寇乾道吐蕃復寇黎州遂併嘉雅威茂四



州永康石泉二軍九七部一体措置教將兵修堡寨并講明寨戶土丁團結各自爲戰以省成役乞給度牒五百道濟其用又旌黎州死事者五人推官黎商老巡檢王勝監稅杜立指使崔俊傷瀕并乞除放黎州欠負其說曰乾道寇入致欠錢引一萬五百四十道而總領司置獄雅州抑吏均陪錢引萬餘必非出自吏胥之家陪領居民漁奪商賈何所不至民困誅求反思有寇之歲無此追擾望聖慈計其大者指此錢引下總司特免催理又以鳳州道大散關乞下興元都統補其軍以階成西和鳳四州關外爲北界首乞從諸司共選辟守臣凡其指畫四蜀邊防大略如此蜀自失陝竭其力養關外軍而折佑最病民折佑者蜀酒課名也公契勘成都一郡元額四萬八千四百八十貫見收四十萬八千六百四十貫縣鎮十五萬六千四百四十貫見收三十九萬二千七百七十貫遂并覈實四路共六十二州內十三州元無折佑五州不申數缺餘四十四州各有重額共奏減四十七萬二千五百四十三道錢引計十分內減八釐三毫有奇以總領司經費外事故僧道度牒截撥對減奏在



三四上其要有曰去四川數十年之害培其本根  
徐用其力國家長計也又曰遠方州縣吏爲朝  
廷根本憂者幾人折估不辨上司怪怒百方貼補  
上傷陛下赤子而不恤後日意外之患其間貪  
墨又或並緣此所以實開於朝廷者寡也又曰  
出納之司徒見枝葉粗存不知本根將撥又曰望  
陛下斷自宸衷與惟惺大臣決之不須更付有司  
彼有司者但知出納之吝安知根本之憂及得  
旨蠲放又奏舊以增額補敗闕有司以增數爲不  
係帳錢而敗闕不問有司今後不得掠取係帳錢  
而四路州縣節次申七月十五日以後百姓各啓  
建感恩祝聖道場五日或七日乞照仁宗免  
推河北鹽故事宣付史館時淳熙三年也公之拳  
拳根本者如此

劄子

薦樊漢廣除知雅州謝牙吏而挂冠官已至朝請郎  
咫尺奏薦而不問時年五十六孫松壽告老年六  
十六

開外階成西和鳳四州歲苦和柔而鳳州在魚開前  
百九十里係嘉陵江源灘石水澁階成西和去江



愈遠無由漕運和采莫免公契勘川秦軍糧減到  
利閬興州大興軍等處官采買瀘叙客米多支錢  
并利州酒息共百萬以增添四州及金洋州興元  
府采本使官自采買通利路諸州並不科采

奏關外四州災傷准令安撫司体量措置轉運司檢  
放展闕常平司果給借貸提刑司覈察妄濫

茶馬司歲起川秦兩司馬百五十一綱差成都潼川  
利路兵三千六百餘人管押馬斃太半逃亡不返  
又於內解雇夫錢一半每名二十八道尅衆兵月  
糧充之公申乞指約蠲免先是以宣撫司權重罷

日抄六十七

二十

吳

之復制置司而關外都統不關報事宜公申審  
乞提刑依限決獄檢準乾道令限五月下旬起離雖  
未被 旨亦行

興元洋州等處建炎依陝西法抽結義士在關外四  
州則各忠勇軍與免科率大散關之戰能爲官軍  
先鋒後因差役規法浸壞乾道三年(虞雍公)宣撫  
得 旨增結梁洋一帶計二萬六千餘人立爲專  
法大要一語非因調發不許差使蓋 朝廷無毫  
釐養兵之費而實寓正軍數萬於民間所當愛護  
至是都統(郭鈞)議差守關隘公以雍公專法爭之



四川城寨兵官八十六闕舊制司差辟公至是申明  
且乞所給付身勿付幹事人並從吏部皮筒遞付  
黎州青羗失互市寇邊公乞未可許且謂羗夷最畏  
西兵號喫人肉乞增西兵蓋黎州蜀門戶也白水  
寨將王文才叛歸羗公募致斬之

紹興二十七年指揮罷衙兵司提轄官公至是再準  
指揮

論邦本劄子得民有道仁之而已省繇役薄賦歛蠲  
其疾苦而便安之使民力有餘而其心油然而后  
德之撫我則雖天不能使之變而况變夷盜賊水

日抄六十七

天二一

子中

旱之作安能挫其本而輕動哉迺者四蜀酒沽之  
患捐錢五十萬代之償令一下驩呼祝聖者沸天  
隱地關外和采之困免采令下邊氓或至感涕於  
是知民之易德有如此者更願益加聖心深詔內  
外執事凡民疾苦悉以上開苟可惠利勿率故常  
使光天之下至于海隅蒼生罔不被堯舜之澤則  
衆心成城天下可運諸掌矣

論支移筭子內郡拖欠因循弗償邊守望輕莫能理  
索擄其空城坐受艱窘群蠻習見意輕中國如眉  
州翰叙州米萬石止與百石五十石或全不應副



乞責四路漕臣參酌別立中制

論兵貧軍中買遷不無搔擾將兵幹當亦廢教習

論吏廩俸給不以時得當專責之漕司不應廩稍息

絕坐視不顧並蜀事論朝市儀注一乞令編攔人寬

出班路使縉紳次序安行此 朝廷之儀二乞優

車禁衛盡絕方許民庶通行此 扈從之儀三乞有

當避道分道斂馬側立之類一 如儀制此 街道之

儀以下還朝奏事

論二廣獄事憲司吏指摘片言以控扼邀求不滿所

欲則追逮送勘故酷吏寧殺囚於獄以免後災深

日抄子集六一七

二十二

子中

廣有數十年無詳覆事至憲司者豈真無死囚哉

貢院添卷首長條背印

知明州奏事 皇子魏王鎮明七年而公承之奏倚

閣諸司錢十五萬貫住罷不合幫錢米十之二三

罷供進局還行鋪錢此於救弊為有大造又奏城

免船舡抽解又奏將船舡客貨抄數估直若干候

回船亦將博買中國貨物估直向來貨價同方令

登舟使別無餘力可換銅錢以絕舊來輕舡載錢

潛行數程以俟大舟洩錢莫道之弊愚恐徒擾而

無補如不科其抽解竟禁其貿易足矣又奏棟



淡水軍立每年條制又奏配軍分送屯駐軍暨歸  
朝進海界圖本諸盜發各責地分官及將海艇五  
千八百八十七隻結甲遇獲賊根治同甲愚恐巡  
尉非弭海盜之官海艇不能止他艇為盜言溟浩  
渺責人以所難能或未可耳又乞截上供錢萬貫  
糴米定海縣倉以給出海兵艇口食此恐官司未  
必可行乞配軍役滿十年不逃亡移本州此恐人  
情不能遵守死紙上語也

謂原道論一出則儒術益明二氏不廢此殆公佛學  
中自有所以然史越王亦學佛者嘗以此諫壽皇  
何石湖之異耶

奏住催江東軍器免催殘稅借廣惠倉陳米以備賑  
糴此皆公自郵移廷以遇淳熙庚子歲歉後初政  
也又奏泐江全藉上游江西湖北各米兩得旨稅  
場不得邀攔乞申嚴以

鈔山膽水洪水後盡涸

公時帥江東當淳熙辛丑仍歉乞借朝廷見椿建康  
等處米三十萬石穀二十萬石不候檢到損數通  
融允便恐冬深民流救之無及也又謂廣濟倉等  
陳米儲之不過為塵土散之可以易民命泐江渡



口流民過淮處如建康之靖安東陽下蜀大城堰  
馬家等渡太平州采石大信換港三山上灣等處  
池州銅陵東流池口等渡皆差官給糧津發其回  
不願回者存養之近渡各口如建康界湖熟金陵  
鎮路口桐井四處復差之邀接津遣其自兩浙來  
者多自饒州石門取路亦置場給論其還勸分賞  
格減半細數用... 九年三月被荒殘稅申乞蠲  
閣流移歸業收歸不候生一兩行李牛畜並與收免  
渡錢九荒政之大略兵是一一皆可法者顧恐近  
世無復乾淳其之粟雖有力莫施耳

委自兩字今官文書營語或謂自字當寫各今石湖  
荒政貼黃有委自守令一語然則自字作從字解  
也

趁熟字浙人鄉談今再奏荒政亦有此字蓋謂荒處  
之人於熟處趁求也

應詔三劄一刑獄舊制翻異不問次數今限五勘文  
具而已准令州縣禁囚而監司今具情節及候指  
揮者不得承受仍不得以未勘結之先改送他郡  
獲囚不得過百里見同照

大軍滄轉舡倉舊管屬總所淳熙九年七月九日奉



旨應有朝廷米斛總司不許干預時公任建康盤  
量大軍倉欠八萬六千餘斛奏以創倉已三十六  
年支過無慮二千餘萬斛不曾除豁亦不到底縱  
有情弊恐非合出於目即合干人

延和奏事大欲未濟風俗偷安甚者遂稱行在爲都  
下浙右爲畿甸中原爲地地歸正遺民爲虜人

專募迎田兵

曹操作沙城孫權作疑城唐揚朝晟築木波三城三  
旬而畢裴行儉築碎葉城亦五旬而畢務神速也  
謝賜御書謂古人書法字中有筆筆中無鋒乃爲極

日抄文集卷之十一

廿五

軒

一 致所謂錐畫沙屋漏雨之法蓋自鍾王之後未有  
得其全者惟我高孝禰傳此妙而 陛下親授家  
學尚盡聖能意象自然筆跡俱泯而萬鈞之筆潛  
寓其間壁猶宇宙闔闢不見斧鑿之痕雲霞卷舒  
殊非繪畫之力此非聖性天高學力海富道腴德  
輝被於心畫則何以深造自得集其大成全美如  
此臣又嘗論李唐名家猶得楷法本朝作者但工  
行書如米芾所作飄逸超妙可喜可愕貴以楷法  
殆無一字此事寂寥久矣

壽襟堂取

散林獲壽之義

光宗在東宮時尚之



書編

外制

從官用偶句餘多散文偶句亦不雕斲如宮室苑囿  
 無所益朕雖示敦朴之先巧技工匠精其能尔尚  
 裨總核之治。如間暇而明政刑會通而行典禮  
 ○大臣慮四方對皇極錫五福○五禮教萬民之  
 中三歲計郡吏之治○夙夜浚明入則宣其三德  
 文武是憲出則採此萬邦沈介師潭踈傳之歸鄉里雖  
 祖道於都門子牟之在江湖諒存心於魏闕黃中宮祠  
 問錢穀出入之幾能折秋毫報簿書期會之間殆

窮日力

曾漢

事親盡道孝固可以移忠休國忘私

恩或不能掩義

葉嵩

太子正而天下定方妙簡於

官僚有進德而

朝廷尊喜來趨於驛召

陳良翰

建太子而尊宗廟

對鄉儒術而招賢良

王十朋仗

漢使之節旄有安社稷利國家之志得月氏之要

領乃履山川犯霜露而歸

趙雄

示朴以先天下朕

廢煩侈服之共首善之自京師尔其贊重暉之德

沈夏工侍

五材並用誰能去兵

對六御分職各率

其屬○天申命以用休

對

臣歸美而報上○祗承

于帝方圖百志之感熙清問下民惟恐一夫之失



所。聖主獨觀於萬化。對微臣莫望於清光。夙  
夜浚明有家。對左右祇事敬群。

表

北使回除中書舍人謝表使四方不辱君命既莫效  
於捐軀俾萬姓咸大王言復何資於潤色。自中  
書帥廣紫微鳳閣曾莫代於堯言。柱海永天但欲  
窮於禹迹。帥蜀去國八千里恨青天蜀道之難  
提封六十州豈白面書生之事。帥蜀即真祖豆  
則嘗聞之何以折衝於疆場期月而已可也。豈宜  
久假於事權。不泚迹不忘遠均萬里於戶庭在  
知人在安民揭九霄之日月

少集卷之二十一

十一

世宗

賀高宗天申節上天申命用休對大德必得其壽呼  
神山之萬歲夢遠鈞天開壽域於八荒驪同率土  
賀孝宗會慶節四七際而火為主親協帝以重  
華五百年而王者興儼恭己以南面。謝瞻尔庭  
而有待人謂何功以公服而衣狙臣猶知懼。貪  
天之功以為己力固何異竊財之譏如川之至以  
莫不增尚能歌歸美之報。郊祀美盛多而告神  
明。對觀會通而行典禮。太上皇三十六年之在  
宥而物為春萬八千歲之升常自今以始。為天



子父尊之至密藏廣運之聖神在太極先不為高  
坐闕無疆之歷服 壽皇保國家如金甌治定中  
興之後輕天下如散屣神凝太極之先 撫二十  
七年之太平功已成而子綏萬有千歲之眉壽  
福方永於後天 蕩蕩民無能名曷詠歌於太極  
蒼蒼天其正色惟想像於層霄 如光堯尊號賀  
壽皇重堯帝之華稽古亦咨而命禹以王季為父  
無憂允賴於繼文 光宗重明節允報矩以司秋  
判離重明而麗正 本乎天天乎地咸歸覆幬之  
中得其壽得其名方啓熾昌之運 謝轉官繼明

日抄文集卷六十七

二十八

葉寺

而照四方仰重光於日月勞賜而加一級覃大賚  
於江湖 舜帝重華授受光於三聖周邦大齊寵  
綏徧於四方 改元春秋謂一以為元日月重明  
而麗正 雜對受祉施於孫子對立受始于家邦  
睦族以和萬邦對明倫而察庶物 誕皇孫賀  
皇太后王假有家克開厥後孫又生子俾熾而昌

### 館職策

議兵莫若留營屯蓋度支月給諸軍居十之九三歲  
大禮犒軍居十之八一有軍興大費突出雖積金  
齊於箕斗發粟浩如江河終亦盈竭宜留營屯以



更成轉輸之費供鋤耰豶鑿之須漸開屯田以時  
閱習。又謂漢高帝一天下者也家室狼狽而不  
顧越句踐復讎者也非報吳之事則不言東晉保  
境土者也稽古禮文之事卑與而北嚮爭天下之  
事不問焉今終日所從事者保境土之規模而已  
又兼欲為越王漢帝之所為宜其財散力分坐糜  
歲月云云未議文  
氣極好

應詔

京局應詔言弊謂通國之弊蔽以一言曰文具後列  
十事

論廣西鹽法奏狀中已  
抄見前

口抄文集卷六十七

廿九

及保

應詔上皇帝書光宗  
即位戶部督州郡不問額之虛實州

郡督縣道不問力之有無縣道無所分責凡可鑿  
空掠剝賊民而害農無所不用偶有所增永不可  
減其他巧作名色核其支用皆非入已亦不得而  
盡禁此非超覽九天之上作新一玉之法曠然大  
變其制未見裕民之術。西南保障自嶺南左右  
二江沿邊西北轉而西行略牂牁夜郎黔中而極  
於西南越雋之塞又西北至劍外河西之境無慮  
萬里祖宗築城寨置兵今名存而實廢乞行下蜀  
廣巡修又黎州專控青羗吐蕃等蠻雅州專控碉



門等蠻嘉州專控夜郎等蠻各於對壘今聞尚部  
結親相通

書

初公任徽州戶曹以書謁其守洪公适秩滿謁內翰  
禮部於朝由和劑局兼編修召試入秘書公固一  
世文豪而儒先汲引亦非默默而人忽自知其書  
詞多起人意者今略抄

上李徽州謂學優則仕仕優則學是終身之間有時  
而仕無時而不學也。又書薦士而束以文法王  
公大人可以少愧而草茅抱負挾持之才亦可流

日抄文集卷六十七

四三

五三

涕太息無復當世之望矣又况法已大弊。揆鼻  
上洪內翰不龜手之藥一也或以封或不免於泮澌  
統方其泮澌統也不自知其可以封也及其封也  
天下不以其止於泮澌統而已也水之於井也日  
汲則冽不汲則竭其行於地上也隨所遇而變生  
焉

上陳魯公治莫大乎常天地為大矣飄風則不終朝  
驟雨則不終日方其飄且驟也人孰不畏亦孰不  
知其不能終朝夕何者非天地之常故也前日如  
舒申諸公忽天下之常一命之曰流俗再命之曰



異議三命之曰茲黨自今觀之其天定矣俗也異也茲也此天下之常而已

上汪侍郎應辰漢武帝踞見大將軍不冠不見汲長孺淮南王視平津侯以下如發蒙獨憚長孺不敢奮姦謀長孺在朝官不過內史而佩天下輕重如此今士大夫以顧忌為俗久矣其原始於愛重其身者太過位尊而名益衰祿厚而利實薄土不足以取信於君下無以慰其人彼之愛重其身者乃所以暴棄而甚輕之也

啓

日抄文集六十七

卷三十一

保

賀劉太尉如蒼生何人喜謝安之起果吾父也虜驚郭令之來。賀陳察院雖志高鴻鵠慚燕雀之安知然路有豺狼諒狐狸之不問。禮侍美盛德以告神明對觀會通而行典禮。戶侍貨財本末源流對朝夕論思獻納。與嚴教授清襟凝遠卷松江萬頃之秋妙筆蹤橫崑崙一峰之秀。謝薦舉古者薦才而未始有法今則立法而不勝其私。軒眉席次者非勢則利縮手袖間者惟孤與寒。一言而期駸茂對歷聘而識孟嘉。前以三鼎後以五鼎對人有一天我有二天。與州郡五日



一風十日一雨貫神明拍顧之間千夫有漚萬夫  
有川興廢壞笑談之頃。其浸五湖去天一握。  
朝夕論思皆堯舜禹湯文武之道雷霆號令有典  
謨訓誥誓命之文。天子畿方千里對刺史入爲  
三公。將如蒼生何對無踰老臣者。回樓大防  
未甲頭名取放瓊栴偶缺初驚一字之難金雞昭  
垂果下六十之勅。第百四卷諸啓多可讀者  
第十七冊兩卷亦啓皆賀政府者文尤雄雅。賀  
張媿公負三紀倚重之望節彼南山明一生忠義  
之心有如皦日。到蜀謝啓既來万里敢計一身

日世文集卷六十七

四十二

七方子思文

雜文

乾道九年桂林大雪盈尺公作重貂館謂杜子美謂  
宜人白樂天謂無瘴然皆聞而知戎是實從事莫  
府有重着貂裘之句故撥以名

被爐銘序具其制合考

上梁文致語多雄壯 百九卷

聖節疏亦多好 百十卷

燕安南使自叙云妙千八百國諸侯之選獨分正於  
南邦聳二十五城督府之尊特序賓於東道

跋



跋發源辨譜謂龍尾刷絲秀潤玉質天下研石第一  
今其穴塞已數十年大木生之不復可取近以端  
巖爲貴端石絕品猶不能大勝刷絲東坡銘鳳珠  
研謂坐令龍尾羞牛尾此乃武夷山石謔語非確  
也

跋加味平胃散方本法專辟不正之氣夷堅志言孫  
九鼎遇故人鬼云遇我當小疾服平胃散即無苦  
則其辟不正可知晉有南陽宗定伯夜逢鬼鬼問  
誰誰曰我亦鬼且新死未知何所惡曰不喜唾因  
負鬼急持之化爲羊恐其變化大唾之賣得千錢  
鬼猶畏唾况平胃散乎

世傳字書多似其人亦不皆然杜正獻嚴整而作草  
聖王文公沉毅而筆款側惟溫公則幾耳

石耳生巖石面目趣性溫有補

石曼卿真書大字妙天下

跋語多簡峭可愛惟漁社圖有韻梅林集有情皆長  
而佳

碑石未泐者具在好奇之士乃專做刻文剝剝之處  
以握筆滯思作羸羸頽靡之休僅成字形以爲古  
意愚謂石湖此語爲漢隸也今之學古文者亦然



蘭亭右本惟定武者筆意彷彿士大夫皆欲以所藏者當之而未必皆然愚謂此語雖為帖字發足以整京省士大夫處甚多

詛楚文當惠文王之世則小篆非出李斯

東坡切韻詩寄作詩孫符集中不載符字仲虎位至尚書其子名山字壽甫石湖時壽甫以祕閣將灌川漕

東坡船上曲江遇灘瀨歌側上無人色坡獨作字不少衰曰吾更變多矣置筆而起終不能一事孰與且作字乎石湖注云事勢迫切不若付死生禍福

日抄文卷六十一

三十一

九

於無何有之鄉雖至大故不乱雖非得道去道不遠愚謂坡公定力如山石湖發明盡之惜雖非得道之語溺異端耳平生所行者道道豈別有一物而得之空虛耶余先君子嘗言無事時小心有事時大膽可以受用

天聖五年王堯臣榜小錄石湖見之崑山龍龔氏載異於近制者甚多

書新安事汪姓鼻祖名華隋末據歙宣抗睦發饒之地以歸唐今廟封顯靈英濟王又俗傳黃巢以汪王同臭味下令母犯汪氏歙人爭冒汪姓俚云四



門三面水十姓九家汪百姓油糞鬼官人豆腐王  
譏俗陋也豆腐舊傳劉安戲術又俚語徽人三日  
飽兩社一年朝不重冬節也

獨孤及論季札潔已之禍公謂秉節之士各有所安  
歐陽詹自明誠論謂尹喜自明誠而長生公孫洪自  
明誠而公卿張子房自明誠而輔劉公孫鞅自明  
誠而佐嬴不知詹所謂誠者何物

書舒斬二事皆以持心之厚惡人報德而獲生

沈德和尚書祖輝仲勘江賊活七人同官死嫁其二  
女病中見黃衣使召為仙官且延壽三紀

常明叔父死神降其家云為人奪胎

記

佛日山繇臨平而西有佳趣新安江帶城右旋淙瀉  
亂石間不能一長亭群小溪大會歛浦貫万山以  
出又合始新天末之水行三百六十里與海潮會  
為浙江其間稠灘如其里之數每灘率減數丈大  
或十倍世傳天目山巔與歛之柱礎平

為李結記清塘浦浦五曰新洋江曰小虞曰苗涇曰  
下張曰顧清塘三曰郭澤曰七丫曰至和

二高祠記極佳三高范彘張翰陸龜蒙家也其略曰



不有君子其能國乎今乃自放寂寞之濱人又從而以爲高此豈盛際之所願哉後之人高三君之風而跡其所以去爲由道計者可以懼天又各爲之歌宛轉感慨千古可作也

范村記杜光庭神仙感遇傳載唐乾符中吳氏胡六子泛海失道至一山曰范村一叟坐堂上曰吾越相也以回颺相送俄頃達故石湖名舍南浦爲范村

雷孝子天錫十一歲剔股救父

董國度陷虜得婦人力歸而負之奇禍死公疑其爲

劍俠

朱俠脫屈容叔之子於悍婦長而還之

王列女不事二主

崑山水利序大概二曰作堤曰疏水小概一曰種茨其說的實可行尚余平日審訂之說同可以參考

梅菊譜

菊譜種菊之法春苗尺許時撥去其顛數日則岐出兩枝又撥之每撥益岐至秋則一幹出數百千朵菊之種七十范村所植三十六

梅譜梅以韻勝以格高以橫斜踈瘦老枝奇怪爲貴



入譜者十二種紅梅預焉梅聖俞詩認桃無綠葉  
辨杏有青枝東坡云詩老不知梅格在更看綠葉  
與青枝惟吳下方子通有紫府有丹來換骨春風  
喚酒上凝脂為絕唱

攬轡錄

北使時所見也泗州三十里至臨淮縣百六十里至  
汴虹縣計自泗州河口至此皆枯轉而行道右三十  
里至靈璧縣民始為戶闕觀三十里至宿州塗有  
數父老見使車潸然百五里至永城縣三十里過  
鄴陽鎮有蕭相國廟自此枯汴中百十里至穀熟

一四一

廿七

黃

縣十八里至南京虜改名歸德府過雷萬春墓過  
雙廟三十里過睢口河已塞八十里至拱州虜改  
為睢州六十里至雍丘縣二十里過空桑有伊尹  
墓三十里至陳留縣有留侯廟二十七里至東京  
虜改為南京四十五里至封丘縣二十五里至胙  
城縣去河尚五六十里而漸水已侵過胙城十里  
矣自縣四十五里至黃河李固渡浮橋用舡百  
八十艘半閣沙上河最狹處也四十五里至滑州  
二十五里至滑州舊治已淪水中對城即黎陽山  
古大伾也二十里過岷子河有山東販麥舟四十五



里至湯陰縣自黃河西望即見太行西北去不知  
極至燕始北轉自湯陰三十里至相州過湯河美  
河有姜里城文王廟相州觀者甚盛遺黎往往垂  
泣指使人云我家好官又云此中華佛國人老嫗  
跪拜者太多過安陽河漳河凡六十里至磁州州  
南滏陽河水急西有崔府君廟四十里至臺城過  
趙故城延袤數十里傍有廉頗藺相如墓三十里  
至邯鄲縣邯鄲人健武逆亮死時遮殺其歸卒以  
待王師四十里至臨洛鎮過洛河二十里至沙河  
縣十八里過七里河七里至言德府邢州也四十  
里過冷水河二十五里至內丘縣縣有鵝梨云其  
木尚聖宋太平時所接過沙河禮儀河大寧河凡  
六十里至栢鄉縣其東有堯山堯所葬自栢鄉行  
十二里有光武廟二十里有王郎城凡六十三里  
而過洹河石橋所謂趙州橋也五里至趙州虜改  
爲沃州三十里至欒城縣五十五里過滹沱河五  
里至真定三十里過磁河四十里過沙河爲新樂  
縣北獄在其西北之曲陽縣界四十五里至中山  
府虜依舊名曰定州有東坡祠五十里山水河七  
十里至保州十里過徐河十里過曹河俗傳王祥



卧冰處二十里至安肅軍故時塘灤今乘淤塞門  
外大道古出塞路也六道古柳參天至白溝始絕  
十五里過白溝河又過曹河徐河恭河三十五里  
至大口河二十里至馬村五十里行灰洞至涿州  
灰洞者兩邊不通風塵埃濛洪其間也三十里過  
琉璃河爲良鄉縣三十里過盧溝河三十五里至  
燕山城逆亮始營都於此自泗州至東京七百七  
十里自東京至黃河百十五里自泗州至燕山總  
二千五十八里燕山以南石晉以來失之安肅軍  
以南我朝南渡失之河朔之水皆出太行公所渡  
者二十五河唯漳與滹沱最大滹沱關不減黃河  
俗名小黃河

驂鸞錄

公赴廣帥時筆也昌黎詠桂林有遠勝登仙去飛鸞  
不暇驂之句故以名錄。公以乾道壬辰十二月  
發吳郡過湖州游石林是爲大玲龍荒寂難居時  
已蕪矣又有小玲龍在長興路口過德清有左顧  
亭孔愉放龜處也歷餘杭富陽癸巳正旦登桐廬  
之釣臺至嚴州有浮橋重征北杉處也至蘭溪避  
泥潦登陸取婺州至衢州過常山縣至信之王山



縣泊信州再登舟過弋陽貴溪綿延皆低石山入  
鏡之安仁縣至餘干縣有琵琶洲以形似名自鄒  
子口渡鄱陽湖尾泛江至隆興府滕王閣故基其  
後今但城上作堂耳東湖秀而野許直君觀鐵柱  
在東廡小枯池中出地三尺許過豐城縣鱗寶氣  
亭有張雷廟云掘劍處至臨江軍登陸游蕪林盤  
園由新喻縣至袁之分宜縣至袁州游仰山嶺阪  
皆由各梯田蒲山皆方竹過萍鄉縣入湖南界潭  
州之醴陵縣江西道中林薄逼塞至是平蕪豁然  
松栢皆峭直如杉至櫛洲市為舟車更易之衝人

捨輿沂湘江六日而至衡山縣湘山皆迤邐南嶽  
忽雄特夾路三十里古松至嶽市嶽市者環廟皆  
墟市江浙川廣衆貨所聚公至謁南嶽廟游衡嶽  
寺勝業寺南臺寺風雨不可登山復舟行湘中至  
衡州謁石鼓書院實州學也始諸郡未分教時天  
下有書院四徂徠金山岳麓石鼓石鼓山名也行  
岡將盡忽石峰特起浸江中蒸水自邵陽來繞其  
左瀟湘自桂林零陵來繞其右石鼓雄踞其會公  
自衡登陸過黃羅嶺又永州之祁陽縣始有坦途  
新出石板為山水雲氣之屏游語溪作詩言中興



須含譏諷爲非譬父母有過非奉觴稱頌時可及  
至永州訪愚溪至全州入桂林界傍闢各數里石  
峰森峭羅列左右入嚴關兩山間僅容車馬所以  
限嶺南北二十三里過秦城秦築五嶺之戍疑此  
地是二十二里至靈川縣秦史祿所穿渠在焉  
縣今桂林所治乃零陵地舊屬荊州桂嶺本在賀  
州今於入桂未二三里立碑名桂嶺者前帥欲得  
過嶺任子賞耳故桂獨無瘴云

桂海虞衡志

公出嶺帥蜀後所作也

志山謂余南西北三方皆走万里大行常山衡嶽廬  
阜皆魁然大山其最秀如池之九華歛之黃山括  
之仙都溫之鴈蕩夔之巫峽皆數峰爾又在荒絕  
僻遠惟桂之繞城玉笥瑤笱森列無際其怪且多  
誠當天下第一山皆中空故峰下又多生巖洞公  
紀其可名者三十餘洞備述奇怪如見

志金石生金出溪洞沙土中丹竈家所須大如鷄子  
者爲金母丹砂以辰砂爲上山南爲宜州与辰州  
同此山故宜砂老者鉄色有牆壁如鏡生石白床  
上可入煉勢敵辰砂益州砂大而多黧闇少牆壁



惟以燒取水銀

汞銀燒法以鐵為上下釜上釜貯砂隔以細眼鐵板覆之下釜之上下釜盛水埋地中仰合上釜之啓固濟周密熾火灼之砂化為霏霧下墜水中聚為水銀邕州取丹砂盛處推鑿有水銀自然流出客販皆燒取而成者百兩為一鈔鈔以紙糊猪胞不漏

鍾乳桂林接宜融山洞穴中出遠勝連州所產者凡石脉湧起為乳床融結下垂其端輕薄中空如鵝管水乳且滴且凝以竹管仰承折取此最精者

又煉治家文以鵝管之端輕明如雲母瓜甲紋如蟬

翼者為勝廣東以鵝管石遺人率鹿麕黃蜀中所出益枯澁其鵝管窒塞及鹿麕礪近床處通謂之孽

銅邕州右江峒所出掘地數尺即有礦

綠銅之苗也生石中質如石者淘其英華供繪畫

次飾棟宇泥綠最下

滑石桂林雋邑及徭洞中皆有初出如爛泥見風則堅土人灰壁未乾時以滑石末拂之如下

鈔粉以黑鈔着糟甕菴化之乾道初始官造粉歲得錢二萬緡



無名異小黑石子價極賤

石梅石桂生海中未詳可入藥

志香沉香出海外黎洞香木既析其節曰乂墊土中  
數百年不腐益精堅滋液下垂結而為香面多在  
下如山峰怪石怪獸龜蛇次如蟹栗角附子芝菌  
茅竹葉者皆佳至輕薄如紙者入水亦沉盡冠諸  
蕃所出尤以万安為最勝在島正東鍾朝陽之氣  
也海南香氣皆清淑燒之氣翳弥室翻之四面悉  
香至煤炆氣不焦價與白金等中州但用廣州舶  
上占城貞臘登流眉等香腥烈味短帶木香尾煙  
必焦其出海口者生交趾及交人得之蕃落來欽  
州者為欽香光酷烈惟可入藥

日抄文集卷之七

四十三

余按

蓬萊香沉之結未成者去其帶木處亦能沉

鷓鴣班香亦出海南沉水蓬萊及絕好笈香中槎  
牙輕鬆者木性未盡以色似名

笈香出海南者如蝟毛栗蓬漁蓑狀修治去木留  
香香之精鍾於刺端芳氣與他如笈香異別香木  
葉如冬青而圓皮似楮皮而厚花黃類菜花子青  
黃類羊矢海南人以斧斫坎使膏液凝洎徐於斧  
痕中採以為香如笈香之類多出人為又有重漏



生結等皆下色

光香與箋香同品出海北及交趾

蟹殼香出高化州

泥香出交趾以諸香草蜜調

香珠以泥香捏成

思勞香出日南如乳香歷青交人以合香

排香出日南如白茅香亦以合香香草無及之者

檳榔蒼生檳榔木上單莖極臭以合泥香

攬香檳榔木脂清烈

零陵香宜融等州有之以編席薦坐褥性暖宜人

零陵今永州無此香古零陵界甚遠

志酒八桂有瑞露石湖用其法釀於成都名萬里春

今法具存

志器所志皆蠻人軍器也又牛角硯雞毛筆羽扇竹

金

志禽孔雀山鳳凰鸚鵡有紅白又烏鳳秦吉了錦雞

翡翠又靈鵲為人突巢穴能禹步作法以去之翻

毛雞長鳴雞皆雞之異者

志獸象出交趾象山一軀之力皆在鼻二廣亦有野

象盜酒書稼目細畏火欽州人以機捕之皮可為



甲或條截為杖甚堅馬自犯國以錦一疋博大理  
三馬金鐲一兩博二馬行十三程至四城州又六  
程至邕州又有羅殿國及謝蕃滕蕃羅孔諸部落  
馬尤壯行二十二程至四城州與自犯等馬會皆  
以十月來經略司歲市千五百疋尤駿者博金數  
十兩官價有定數不能致大理去邕州橫山寨纔  
四十餘程自犯人爭利不敢度自犯而東別有一  
路自善闡府經時磨道來甚捷時磨人亦貪悍不  
得違。土產出德慶之流水者名果下馬高不踰  
三尺而駿健能辛苦以歲七月十五日會江上交

易湖南邵陽營道等處亦出一種低馬

志蟲魚珠有池在合浦海中孤島下名斷望池去岸  
數十里望岳如一拳池深可十丈四周如城郭蚌  
細零溢生城郭外者乃可採歲有豐耗多得謂之  
珠熟蟹人沒水採蚌每以長繩繫竹籃携之以沒  
或遇惡魚海怪則死

彈磔大蚌之屬殼可為荷葉盃

瑇瑁背甲十三片無足而有四鬣皆花紋飼以小  
鮮甲子庚申輒不食俗謂之瑇瑁齋

蚺蛇大如柱逐麋鹿田中南人插花呼妖婦音大或



呼紅娘子以誘之以花置蛇首蛇倘不動則殺之  
鸚鵡螺青螺亦可琢為酒盃

貝子大者如拳紫班小者指面大白如玉世既不  
尚人亦稀採

(石蟹)石蝦云海沫所化

(嘉魚)出梧州火山下丙穴如小鮐魚多脂煎不假  
油蜀中丙穴亦出肥美相似

(鰕魚)竹魚皆出灘水南方所珍

志花上元紅元夕開

(泡花)採以蒸香法以佳沉香薄劈着淨器中鋪半

日抄文集六十七

四

黃

開花與香層層相間密封之日一易不待花萎花  
過香成番禺人吳興作心字香瓊香用素馨末利  
法亦然大抵泡取其氣未嘗炊撇江浙作木犀降  
真香蒸湯上非法也

(末利)以米漿日漑之則花可耐一夏六月六日以  
治魚腥水一漑益佳

(石榴)既實復花併花實折釘盤

(曼陀羅花)漫生原野大葉白花實如茄徧生小刺  
盜採花末之置人飲食中即昏醉土人又以為小  
兒去積藥昭州公庫取一枝挂庫中飲者易醉



志果荔枝不及閩中所產妍紅渥丹畫土百端模寫不能殆世間紅色第一

龍眼極大如當二錢

龍荔枝身葉似荔枝肉味如龍眼故兼二名  
人面子核如人面

椰子葉類棕櫚子上其間如五升器皮中殼可爲器殼中穰如牛乳穰中酒新極清芳久則濁

鸚歌舌即紅藍草菓之珍者

八角茴香惟以薦酒

餘甘子風味過橄欖雖腐爛猶堅脆

日抄文卷六十七

四十七

苦子果

波羅蜜大如冬瓜削其膚食之極甘子練悉如冬瓜生木上秋熟

柚子大如瓜打碑者捲皮蘸墨代氈刷

地盤生土中似甘露子而不尖以薦酒

志草木桂南方奇木上藥出賓宜州花如海棠淡而

葩小實如小椽子取花未放者乾之五年可剥以桂枝肉桂桂心爲三等桂枝質薄而味輕肉桂質厚而味重桂心則剥厚桂以利竹捲曲取貼木多液如如經帶味尤烈凡木法示心背一縱理獨挂有兩紋製字者意或出北葉味辛甘人喜咀嚼桂之



所草木不蕃

榕易高大葉如槐蔭樹可數畝根生半身附幹而下龍龍抱持以入土故有倒生根之說禽鳥銜其子寄生他木根鬚沁木自垂下得土氣則過所寄杪木杉類尤高大葉尖成叢穗小與杉異佻峒等板博易舟下廣東

脩仁茶脩仁靜江府縣名製片二寸許上有供神仙三字者上也大片麤淡

擯柳生黎洞上春取為軟擯柳夏秋採乾為米擯柳小而尖為鷄心擯柳匾者為大腹子悉能下氣

日抄文在卷六十七

四十八

丁文

盜漬為益擯柳瓊管取其征居歲計之半廣州亦數萬緡自閩至廣以蜆灰婁葉嚼之先吐赤水如血而後嚥其餘汁廣州加丁香桂花三賴子為香藥擯柳

栳柳虛心剝以承漏外堅可為弩箭

烏婪木宜柁第一出欽州

吉貝如小桑花似芙蓉葺為席

澁竹可磨以為甲

人面竹可為拄杖

斑竹有疊暈本出全州之清湘桂林亦有之



(都管草)辟蜈蚣蛇

(蛆草)辟蚊蠅

志雜雲獨桂林有之自桂林而南至海北人不識雲  
或言數十年前嘗雪歲乃大災蓋地氣常燠植物  
柔脆忽得雪悉僵死

(風)桂林獨多去海餘千里非颶也(湘)灑二水皆出  
灵川之海陽行百里分南北而下北曰湘下二千  
里至長沙水始緩南曰灑過三百六十灘又千二  
百里至番禺入海桂林獨當湘灑之脊在長沙番  
禺千丈之上雲物之表高而多風理固然也

一曰白州集卷六十一

一曰里七

志道

(秦城)始皇發戍五嶺之地

(灵渠)在桂州灵安縣湘水北下湖南又灑江牂牁  
下流也南下廣西二水遠不相謀史祿於沙磧中  
壘石作鐻甬泓湘之流而注之融激行六十里置  
斗門三十六舟入一斗則復闌一斗使水積漸進  
故能循崖而上建甬而下治水巧妙無如灵渠者  
(朝宗渠)浚之則有人登科

(銅柱)馬伏波立交趾國中人過柱下輒培石遂成  
丘陵馬揔爲安南都護夷僚爲建二銅柱。又唐  
何履光定南詔復立交波銅柱則在大理



瘴乃炎方之地脉疏而氣洩人為常燠所曠膚理脉絡暎舒不密又數十百里無木陰井泉逆旅醫藥其病又不必皆瘴之為也石湖正夏堂記極論之

僧道無度牒而有妻子者皆是

月禾無月不種

王丁制如禁軍

保丁隸保正平儂賊後所結今困私役

寨丁沿溪洞所結

洞丁溪洞之民也

鼻飲但可飲水

捲伴嫁娶不由礼竊誘之名

挑生妖術以魚肉害人在曾南則服升林吐之在

腹服鬱金下之李壽翁侍郎為雷州推官鞠獄得

此方

蠱毒人家無纖埃者是

志亦虫之目五曰西羈縻州洞曰猨曰亦虫曰黎曰延虫

西羈縻州洞有黃儂韋周四姓黃儂隸邕州韋周隸

宜州國朝平儂智高祈其種落為州縣小者為洞

凡五十餘所即其雄長為首領藉其丁壯號田子



甲者為洞丁而細。○ 提率右江四寨二提率右  
江四寨一提率右江亦平太平右江屯橫山寨  
官則民官也此年諸洞不供財賦無糧以養提本  
之兵寨官亦與洞官為伍而邕之邊備弛矣宜州  
之安化州最悍鷲建火台凌羅二將率洞兵勤王  
敗曹成廣西晏然南丹州尤轄糜之甚其酋莫延  
甚乾濟間擾邊之劫邊將交還者豈亦守之法南  
丹稍罷言

徭本盤瓠之後綿曰。○ 想廣明動一。至。為徭  
實不供征役數數。○ 已。入。○  
官軍徒勞費公。○ 桂。○ 專。用。邊。民  
得七千餘人分。○ 乃。許。通  
博易次復以近。○ 于。○ 節。首。領  
得赴宴遂各以誓。○ 狀。外

蠻自羈縻州洞之外皆。○ 而。遠。巨。湖。廣。禘。于  
西戎種類不可勝計溪洞。○ 林。而。居。荒。忽。無  
常者為僚無酋長版籍無。○ 名。惟。有。事。力。者  
曰郎火餘但稱火此不在。○ 望。則。前。世。嘗。建。黔  
南帥府於融州以統之融在。○ 洞。之。南。蕃。蠻。之。東  
蕃蠻與祥柯地接人皆。○ 椎。髻。跣。足。而。我。州。以。西。入



繫白紙於指誓云尚與諸葛武侯制服又有董蠻  
能華言自云本諸葛武侯戍兵立唐史西屠夷馬  
留之類也其南連邕州南江之外者皆以聚落蠻  
獫自祀以國名羅孔特為名以九道等以道名此  
諸蠻之外又有大蠻落西曰理東曰交趾大理  
即南詔也亦曰雲南 人言有 札儀地極西南尤  
近蜀交趾古交州歷代為郡縣國朝遂在化外熙  
寧八年入寇詔趙尚燕違討賊 乾道九年進象  
賀登極朝廷賜名安南國 又 渡一水即占城  
國漢林邑也其南浦有馬接 往山東西皆大海  
占城隔一水為真臘又一水曰 在漢屬此數國之  
西有大海名細蘭為交趾大理吐蕃之西境南接  
大洋海海口有細蘭國其西有五天竺極南有故  
臨國又西則東大食海海西則大食國又西則西  
大食海蕃商不通南大洋海中諸國以三佛齊為  
大諸蕃寶貨之都會三佛齊之東 闍婆國稍東  
北則新羅國高麗國諸蕃之去中國惟占城最近  
大食最遠至大食必舟行一年凡諸國皆由密而  
通及者也

黎則海南四郡陽上蠻中雷州徐聞渡至山而至



鳴之中爲黎母山山極高常在霧靄中雖黎人鮮識之四郡各占隲之一陲其中黎地不可入亦無路通米崖在兩陞復桴海乃至所謂再涉鯨波也最外耕作省地供賦役者名熟黎內生黎黎黎之巢外人不復跡黎母之巔則雖生黎亦不能至相傳其上有入壽考迥樂不与世接虎豹守險無可攀但覓水泉甘美絕異爾

蠶乃海上水居之蠻其種有三漁蠶取魚蠟延虫取蠟木蠶伐山皆坐死短蓬間生食海物其生如浮而各以疆界役於官

吳船錄

○北平卷之二十一

五十二

庚午

出蜀時筆也當淳熙丁酉歲錄江行所見今併考江流併合處抄下方江源自西戎來由岷山澗壑出也云江出岷山自中國所見言之耳岷在今永康軍岷山之最近者曰青城山其尤大者曰大面山大面山之後皆西戎山西域之雪山三峰銀爛玉琢闖出大面後凡皆江源之所自來也秦太守李冰於今永康之離堆鑿金崖中斷分岷江一派入永康以至彭蜀支流自郫縣以至成都二水合於成都之東鄭有合江亭西取万里橋公自東訶東市



五里至板橋灘此自蜀不峽灘之始也過犀浦過  
郫縣凡百十里至永康之離堆四十五里至青城  
山有縣七十五里至蜀州有西湖三十里至江原  
縣四十里新津縣成都万里橋下之江與岷江正  
派合於此自此順流半日至眉州城下玻璃江自  
眉至嘉百二十里述有中巖西州林泉最佳嘉州  
凌雲舊名嘉州山靈董氏之神也凌雲寺有  
天寧閣即大佛像所在高三百六十尺頂圍十丈  
目廣二丈為樓十二層觀之嘉為眾水之會道可江  
沫水與岷江皆合其下沫水自雋州邛部合太渡

卷之四

五十四

河穿夷界千山由雅州來渡雅州江為大峨山佛  
書謂普賢示現去平地百里盛有旌重眾大峨  
峰頂天下絕觀危門峽又勝絕山間自嘉州百六  
十里至犍為縣又二百四十里至叙州古戎州也  
有馬胡江自夷中出合大江又十五里有南廣江  
亦來合大江自叙州二百八十里至瀘州有內江  
又自資簡州來合大江瀘叙江北岸皆夷界自瀘  
州百二十里至合江縣對江安樂山出天符木葉  
紋有符篆自合江三百二十里至恭州自此入峽  
路大抵自西川至東川風土已不同至峽益陋恭



州乃在一人磐石上水毒生瘰自此至秭歸皆然  
恭有嘉陵江自利闡渠合等州來合大江自恭二  
百一十里至涪州黔江又自黔州來合大江皆石  
底清如玻璃自成都至此始見清江涪雖不与蕃  
部雜舊亦夷俗號四人謂華之人廩君与槃瓠  
種也自眉嘉至涪皆產荔枝涪有妃子園江自涪  
之群猪灘水始險二百餘里至忠州忠州百八十  
里至万州比涪恭尤蕭條沂江入蜀者率至万州  
捨舟陸行不兩旬可至成都舟行須十旬万州有  
西山山上有湖湖上有煙霏閣自万州六十里至  
開江口水自開達州來合大江又八十里至雲安  
軍百四十里至夔州魚復八陣圖在焉水至夔州  
尤毒飲輒生瘰自夔十五里至瞿唐口過滯瀕入  
峽舊圖云滯瀕大如樸瞿唐不可觸滯瀕大如馬  
瞿唐不可下而尤以如撒髮為惡蓋必水漲沒之  
方可撈過其上也峽中兩岸高巖峻壁斧斲痕皴  
皴然而黑石灘取險兩山東江驟起邊高中窪名  
茶槽則万不可行漲盡淹草木名青草齊則  
可行或未能盡淹名草根芥法亦不可涉十五里  
至大溪口水稍闊夔峽之險紆矣七十里至巫山



縣巫峽焉夔異夔峽湏水漲巫峽淮水退乃可自  
縣行半里即入峽峽間陁暗峯頭僅有天數尺兩  
壁皆竒峰如是者百餘里十二峰皆在北岸神女  
廟在峽之三十五里石刻稱雲華夫人助禹驅鬼  
神斬石疏波有功今封妙用真人廟有神駕送迎  
客舟出峽二十里至東奔灘大渦掀舞二十里過  
歸州之巴東縣萊公祠與桓公焉九十里至歸州  
夫至州數里有此灘尤險於東奔連接城下大灘  
名人鮑雍在石橫卧據江十七八歸為夔路荒涼  
之極楚熊纒啓山林於此屈宋昭君皆生此地舊

隸湖北近屬夔而財賦仍歸湖北一州二屬疲於  
奔命歸州五里至白狗峽岸皆大石峽山竒峭三  
十里至新灘漢晉山再崩塞江故尤險八十里至  
黃牛峽接扇子峽蝦蟇培在南壁半山過此則峽  
灘盡矣三十里至平善埧出峽舟相賀處三十里  
至峽州古夷陵三國時吳蜀界也自漢嘉以來東  
西二千里南北綿亘入蕃夷界不知幾十方峯出  
夷陵西望沓然無復一點自峽州四百七十里至  
江陵有沙市渚宮章華臺危山息壤七十里至公  
安縣有二聖寺金剛神也百二十五里至石首縣



百七十里至魯家洲自此下岳陽則洞庭出大江  
處波浪連天各舟多避之由魯家洲入沌行百里  
荒復出大江至鄂州泊鸚鵡洲沿江數萬家州廣  
荆襄淮浙皆懸之地名南市南樓在黃鶴山上甲  
於湖外稍東為漢口漢水自北岸出合大江百八  
十里至三江口三江之名凡水參會處皆稱之過  
**黃州**赤壁四十里至巴河自北岸入大江如漢口  
自黃州四百七十五里至**江州**登庾樓遊廬山復  
至江州東下過湖口蓋彭蠡湖入大江處九十里  
至交石夾經澎浪磯凡八十里至燉背洲又經皖

水經注卷之六十七

五十七

長

口牛磯鴈汊凡三百里至長風沙上口二百里至**池**  
**州**池口十里至**池州**又經清溪口長風沙凡五百  
七十餘里至**太平州**登凌歊臺宋武帝作也至**建**  
**康**登伏龜樓基一城地勢最高處相傳曹彬取李  
煜自此入又八十里至京口為浙矣謹按江  
出岷山其源實自西戎萬山來至**嘉州**而沫水自  
**雋州**邛部合大渡河穿夷界千山以會之至**叙州**  
而馬湖江出自夷中以會之又十五里而南廣江  
會之至**瀘州**而內江又自資簡等州會之至**恭州**  
而**嘉陵江**自利閬果合等州會之至**涪州**而黔江



又自黔州合南夷諸水會之至萬州而開江水自  
開達等州會之夫然後總而入于峽是江自峽而  
西受大水凡八及出峽而下岳陽則會之者洞庭  
湖所受湖南北諸郡水也又自是而下鄂渚則會  
之者漢口所受興元諸郡水也又自是而下黃州  
東四十里則會之者巴河也又自是而下江州則  
會之者彭蠡今名鄱陽湖所受江東西諸郡水也  
又自是而下則會之者皖水所受淮西諸水也夫  
然後總而入于海是以自峽而東又受大水凡五  
略言天下之水會于江者居天地間之半其名稱  
之大而可考者凡十有三故曰江源其出如雍危而  
能滔滔萬里以達海所受者衆也嗚呼問學者可  
以觀矣

日抄文集卷六十七

五十八

公喜佛老善文章踪跡徧天下審知四方風俗  
所至登覽嘯詠爲世歆慕往往似東坡東坡當  
世道紛更屢爭天下大事其文旣開關痛暢而  
又放浪嶺海四方人士爲之扼腕故身益困而  
名益彰公遭值壽皇清明之朝言無不合凡  
所奏對其文皆簡樸無華而又致位兩府福祿  
過之流風遺韻亦易消歇耳若公之言治主貞



實而將久其帥蜀帥廣皆能寬民力練軍實出使萬里外如言治堂上時討論申明纖悉具備可謂刻志當世者矣然公亦嘗帥沿海討論申明無異在蜀廣而沿海吾居也攷之事實率不可行今無聞焉或者蜀廣去天萬里其弊誠有如公所言者而沿海於行都爲切近無事之地公銳意事功不能不姑爲是條畫而已耶嗚呼自昔士大夫建明多爛然於高文大冊之間而至今小民疾苦終蹙然於窮簷敗壁之下豈非人有則政舉而有國有家者常官以得人爲急務哉

慈溪黃氏日抄分類文集卷之六十七







